

Laporan polis dakwaan kenyataan perkauman LGE

MalaysiaKini.com

February 22,2012

MCA hari ini membuat satu laporan polis berhubung kenyataan yang didakwa bersifat perkauman yang diucapkan oleh Setiausaha Agung DAP, Lim Guan Eng semasa berdebat dengan Presiden MCA, Chua Soi Lek Sabtu lepas.

Timbalan pengerusi biro perkhidmatan aduan awam MCA Selangor, Allan Liew Sin Kim (kanan), membuat laporan polis terhadap Ketua Menteri Pulau Pinang itu, dengan diiringi oleh lima pengadu di balai polis Kajang.

Menurut laporan polis tersebut, Liew berkata Lim telah mengucapkan 'PAS tidak pernah membunuh walau seorang pun orang Cina' semasa sesi penggulungan debat yang disiarkan secara langsung.

Liew berkata masyarakat Cina tidak memahami maksud sebenar kenyataan tersebut dan merasa bimbang dan takut kerana mendakwa Lim memainkan isu perkauman.

Oleh itu, beliau mahu pihak polis menyiasat Lim sama ada beliau telah melanggar "mana-mana undang-undang berhubung isu perkauman".

Bercakap kepada media selepas membuat laporan itu, Liew berkata beliau mahu pihak polis menyiasat sama ada Lim menghasut sentimen perkauman melalui kenyataan beliau itu.

Liew mendakwa beliau telah menerima lebih 10 aduan daripada masyarakat Cina dalam tempoh tiga hari lalu, semuanya membantah kenyataan Lim itu.

Copyright © 1999-2012 Mkini Dotcom Sdn. Bhd
<http://www.malaysiakini.com/news/189922>